



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka („Službeni glasnik BiH“ broj 95/12), člana 25. Pravilnika o godišnjim finansijskim izvještajima političkih stranaka („Službeni glasnik BiH“ broj 96/13) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka („Službeni glasnik BiH“ broj 103/08), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2014. GODINU SNAGE EKONOMSKOG POKRETA U BOSNI I HERCEGOVINI

Broj: 03-07-6-274/15
Sarajevo, 29. mart 2016. godine

SADRŽAJ

MIŠLJENJE.....	3
1. UVOD	4
2. PREDSTAVLJANJE POLITIČKE STRANKE	4
3. OPIS PREGLEDA I KONTROLE FINANSIJSKOG IZVJEŠTAJA	5
Predmet pregleda i kontrole	5
Cilj pregleda i kontrole	5
Obim pregleda i kontrole	5
4. PRETHODNE KONTROLE I REVIZIJE	5
5. NALAZI I PREPORUKE	5
5.1. NALAZI.....	5
5.2. PREPORUKE	7

MIŠLJENJE REVIZORA

Služba za reviziju finansiranja političkih stranaka izvršila je pregled godišnjeg finansijskog izvještaja Snage ekonomskog pokreta u Bosni i Hercegovini za 2014. godinu.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka, te uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Pregledom godišnjeg finansijskog izvještaja za 2014. godinu, utvrđeno je da je Snaga ekonomskog pokreta u Bosni i Hercegovini prekršila odredbe člana 5. stav (4), člana 11. i člana 12. stav (1) i (3) Zakona o finansiranju političkih stranaka.

Na osnovu našeg pregleda, odnosno kontrole finansijskog izvještaja, osim gornje napomene, nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka.

1. UVOD

Služba za reviziju finansiranja političkih stranaka (u daljem tekstu: Služba za reviziju) je izvršila pregled godišnjeg finansijskog izvještaja Snage ekonomskog pokreta u Bosni i Hercegovini za 2014. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja, Snaga ekonomskog pokreta u Bosni i Hercegovini se finansirala iz sljedećih izvora:

R/B	Izvori finansiranja	Iznos (KM)	Učešće u izvorima finansiranja (%)
1.	Članarina	0,00	0,00%
2.	Prilozi fizičkih lica (3-a)	0,00	0,00%
3.	Prilozi pravnih lica (3-b)	0,00	0,00%
4.	Prihodi od imovine (3-c)	0,00	0,00%
5.	Prihodi od pr.lica (3-d)	0,00	0,00%
6.	Prihodi od poklona (3-e)	0,00	0,00%
7.	Prihodi iz budžeta (3-f)	864,88	100,00%
8.	Prihodi od propag. (3-g)	0,00	0,00%
9.	Ostali prihodi	0,00	0,00%
I	Ukupni prihodi (1-9)	864,88	100,00%
II	Kreditno zaduženje kod banaka	0,00	0,00%
	Izvori finansiranja (I+II)	864,88	100,00%

U godišnjem finansijskom izvještaju stranka je iskazala ukupne rashode u iznosu od 174,20 KM.

2. PREDSTAVLJANJE POLITIČKE STRANKE

Naziv političke stranke: Snaga ekonomskog pokreta u Bosni i Hercegovini. Skraćeni naziv je SEP u BiH.

Politička stranka, pod nazivom Novi ekonomski pokret u BiH je registrovana 09.03.2010. godine u Općinskom sudu Tuzla i u sudski registar upisana pod brojem: 032-0-Reg-10-000231, sa sjedištem u Tuzli, Ulica Bosne Srebrene bb (ulaz A tribina, Sportski centar Mejdan).

Rješenjem Općinskog suda u Sarajevu, broj: 065-0-F1-11-000009 od 26.04.2012. godine, promijenjen je naziv političke stranke, sjedište stranke i imenovano je novo lice za njeno zastupanje i predstavljanje. Stranka je upisana pod novim nazivom, Snaga ekonomskog pokreta u Bosni i Hercegovini, sa sjedištem u Sarajevu, ulica Čekaluša broj 1.

Lice ovlašteno za zastupanje i predstavljanje političke stranke je Fadil Čerimagić.

Lice ovlašteno za podnošenje finansijskih izvještaja za 2014. godinu je Fadil Čerimagić.

U godišnjem finansijskom izvještaju za 2014. godinu, Snaga ekonomskog pokreta u Bosni i Hercegovini je navela da ima niže nivoe organizovanja i to kantonalne i općinske.

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj Snage ekonomskog pokreta u Bosni i Hercegovini za 2014. godinu.

Cilj pregleda i kontrole je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja navedenog zakona, ocjenjuje da li je potrebno izvršiti terensku reviziju da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

Obim pregleda i kontrole finansijskog izvještaja Snage ekonomskog pokreta u Bosni i Hercegovini obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava.

4. PRETHODNE KONTROLE I REVIZIJE

U periodu od 2010. do 2013. godine, obavljen je pregled godišnjih finansijskih izvještaja Novog ekonomskog pokreta u BiH, odnosno Snage ekonomskog pokreta u Bosni i Hercegovini, nakon čega su izdati izvještaji o pregledu sa mišljenjem revizora, nalazima i preporukama revizije.

Nakon obavljenog pregleda finansijskog izvještaja za 2013. godinu, političkoj stranci su date preporuke: da vodi poslovne knjige u skladu sa računovodstvenim propisima, da uspostavi potpune i tačne evidencije o svojim prihodima i rashodima i da finansijske izvještaje koje podnosi Centralnoj izbornoj komisiji Bosne i Hercegovine popunjava u skladu sa Pravilnikom o godišnjim finansijskim izvještajima političkih stranaka.

Nerealizovane preporuke:

Snaga ekonomskog pokreta u Bosni i Hercegovini nije ispoštovala preporuke revizije.

5. NALAZI I PREPORUKE

5.1. NALAZI

a) Snaga ekonomskog pokreta u Bosni i Hercegovini je prekršila odredbe člana 5. stav (4) Zakona o finansiranju političkih stranaka.

Politička stranka nije uspostavila evidenciju o nenovčanom prilogu koji je ostvarila korištenjem poslovnog prostora, bez plaćanja zakupnine¹.

Na osnovu ugovora o zakupu, broj: 29-B/11 od 20.09.2011. godine politička stranka bez naknade koristi poslovni prostor pravnog lica VISA BROKER OSIGURANJE d.o.o. Sarajevo, u ulici Čekaluša broj 1. Površina prostora je 22 m².

b) Politička stranka nije postupila u skladu sa odredbama člana 11. i člana 12. stav (1) i (3) Zakona o finansiranju političkih stranaka.

Na osnovu finansijskog izvještaja, finansijske dokumentacije koju je na zahtjev Centralne izborne komisije Bosne i Hercegovine dostavila politička stranka i revizijskih dokaza

¹ U skladu sa odredbom iz člana 5. stav (4) Zakona o finansiranju političkih stranaka, političke stranke dužne su voditi evidenciju o prijemu dobrovoljnih priloga.

pribavljenih iz eksternih izvora, utvrđeno je da stranka nije vodila poslovne knjige u skladu sa računovodstvenim propisima², nije uspostavila potpune evidencije o svojim prihodima i rashodima³ i godišnji finansijski izvještaj nije podnijela na način kako je propisala Centralna izborna komisija Bosne i Hercegovine⁴, čime je prekršila odredbe člana 11. i član 12. stav (1) i (3) Zakona o finansiranju političkih stranaka⁵.

- (1) Snaga ekonomskog pokreta u Bosni i Hercegovini nije u poslovnim knjigama i finansijskom izvještaju iskazala nenovčanu donaciju koju je ostvarila korištenjem poslovnog prostora bez naknade, kako je navedeno u nalazu revizije pod tačkom a) i nije iskazala prihod koji je ostvarila iz budžeta Općine Gradačac.

Uvidom u akt Općine Gradačac, broj: 07/1-23/12-552/15 od 09.03.2015. godine, koji je dostavljen na zahtjev Centralne izborne komisije BiH, utvrđeno je da su ovoj političkoj stranci isplaćena sredstva iz budžeta Općine u iznosu od 2.100,00 KM.

Pomenuti iznos čini 52,5% od ukupnih sredstava koja su planirana za finansiranje političke stranke u 2014. godini. Općina Gradačac je sredstva za period januar – juli 2014. godine, u iznosu od 2.100,00 KM uplatila na transakcijski račun broj: 1321902012122567, a za razliku od 1.900,00 KM navodi da će biti isplaćena u 2015. godini.

- (2) Finansijski izvještaj, koji je podnijela Centralnoj izornoj komsiji BiH, Snaga ekonomskog pokreta u Bosni i Hercegovini nije popunila u skladu sa Pravilnikom o godišnjim finansijskim izvještajima političkih stranaka.

- Politička stranka je u finansijskom izvještaju, na obrascu 1 (*Opći podaci o političkoj stranci*), navela da ima organizacione dijelove nižeg nivoa. Međutim, na obrascu 1-1 (*Teritorijalna struktura političke stranke*) stranka je navela samo organizacioni dio u Gradačcu, iako je prema Rješenju Općinskog suda u Sarajevu, broj: 065-0-F1-11-000009 od 26.04.2012. godine sjedište političke stranke u Sarajevu. Također, stranka je ostvarila prihod iz budžeta Općine Kalesija, što ukazuje na činjenicu da ima organizacioni dio u ovoj općini.
- Prihod u iznosu od 864,00 KM, koji je ostvarila iz budžeta Općine Kalesija, stranka je u finansijskom izvještaju na obrascu 3-b iskazala kao prilog pravnog lica.
- U finansijskom izvještaju, suprotno odrebama člana 24. stav (2) Pravilnika o godišnjim finansijskim izvještajima, politička stranka nije iskazala obaveze koje su prema podacima iz poslovnih knjiga, na dan 31.12.2014. godine iznose 2.462,11 KM

² U skladu sa odredbom člana 11. Zakona o finansiranju političkih stranaka, politička stranka je dužna voditi poslovne knjige u skladu sa računovodstvenim propisima

³ U skladu sa odredbom iz člana 12. stav (1) ovog Zakona dužna je uspostaviti evidencije o svim prihodima i rashodima.

⁴ U skladu sa odredbom iz člana 12. stav (3) Zakona, politička stranka podnosi finansijski izvještaj u formi koju odobri Centralna izborna komisija Bosne i Hercegovine

5.2. PREPORUKE

Preporučuje se političkoj stranci Snaga ekonomskog pokreta u Bosni i Hercegovini da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- *da uspostavi evidencije o svim priložima, bez obzira nakoji način ih ostvaruje,*
- *da vodi poslovne knjige u skladu sa računovodstvenim propisima i da uspostavi potpune evidencije o svojim prihodima i rashodima i*
- *da finansijske izvještaje koje podnosi Centralnoj izbornoj komisiji Bosne i Hercegovine popunjava u skladu sa Pravilnikom o godišnjim finansijskim izvještajima političkih stranaka.*

Komentar

Politička stranka Snaga ekonomskog pokreta u Bosni i Hercegovini je Centralnoj izbornoj komisiji BiH dostavila obrazloženje na nalaze revizije navedene u preliminarnom izvještaju o pregledu godišnjeg finansijskog izvještaja za 2014. godinu, u kome konstatuje da stranka nije uspostavila potpunu kontrolu u evidenciji prihoda i rashoda, iz razloga što organizacioni dio Gradačac knjigovodstvu nije dostavio dokumentaciju o prihodima, niti izvode sa svog transakcijskog računa. U vezi neprijavljene nenovčane donacije ostvarene korištenjem poslovnog prostora bez naknade, stranka navodi da knjigovodstvo nije sigurno kako evidentirati prilog. Obzirom da politička stranka nije otklonila nedostatke u svom finansijskom izvještaju, pomenuto obrazloženje nije uticalo na nalaze revizije.

Šef Odsjeka za revizijske poslove

Sanja Tošović

Šef Službe za reviziju, revizor

Mr. sc. Hasida Gušić